



01  
159  
PB-193

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy, Infrastructure, Physical  
Planning, Construction and Environmental Protection

Broj: 05/01-04-42543-26/23  
Sarajevo, 28.12.2023. godine

**SKUPŠTINA KANTONA SARAJEVO**  
n/r **Elvedin Okerić, predsjedavajući**

**PREDMET:** Dostava odgovora na zastupničko pitanje - zastupnica Vedrane Vujović

Zastupnica Vedrana Vujović na Devetoj radnoj sjednici Skupštine Kantona Sarajevo, održanoj dana 03.10.2023. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo, između ostalih, postavila je i zastupničko pitanje, kako slijedi:

*„U kojoj su fazi sljedeći projekti koje je započelo i/ili planiralo Ministarstvo komunalne privrede, infrastrukture, prostornog uređenja, građenja i zaštite okoliša:  
- Projekat utopljanja javnih objekata...“*

**ODGOVOR:**

Kanton Sarajevo putem Ministarstva komunalne privrede, infrastrukture, prostornog uređenja, građenja i zaštite okoliša od 2019. godine u saradnji sa Evropskom bankom za obnovu i razvoj (EBRD) implementira Projekat "Energijska efikasnost u javnim objektima Kantona Sarajevo".

Projekat se finansira iz sredstava EBRD-a u ukupnom iznosu od 10 miliona Eura, od čega su kreditna sredstva 8 miliona Eura, a 2 miliona Eura - investicioni grant. Pomenuta sredstva planirana su da se utroše isključivo u provođenje mjera energijske efikasnosti do 40 odabranih javnih objekata iz oblasti obrazovanja i zdravstva, a koji se nalaze na Listi javnih objekata koju je usvojila Vlada Kantona Sarajevo.

Pored kreditnih i grant sredstava, EBRD-e je obezbijedio i dodatni grant u iznosu od 1.130.000,00 Eura za pružanje tehničke pomoći u realizaciji Projekta. Pomenuti grant odnosi se na izradu detaljnih energetskih audita i projektne dokumentacije (idejni i glavni projekti) za odabrane javne objekte, zatim okolišnu i socijalnu analizu u funkciji pripreme odgovarajućeg tenderskog paketa i formulisanja ugovornih zahtjeva, kao i podršku u implementaciji Projekta što uključuje pripremu tendera, ugovaranje, praćenje realizacije ugovora i okolišnih dokumenata, izradu izvještaja prema EBRD-u, te nadzor nad izvođenjem radova. Kanton Sarajevo, odnosno Ministarstvo plaćaju troškove PDV-a.

Do danas su u okviru projekta realizovane brojne aktivnosti, a najznačajnije među njima uključuju pripremu detaljnih energijskih audita i cjelokupne projektne dokumentacije za svih 40 javnih objekata, osiguranje kvaliteta detaljnih energetskih audita i reviziju projektne dokumentacije,



pripremu seta okolišnih dokumenata (Akcioni plan zaštite okoliša i socijalnih pitanja - ESAP, Plan angažovanja zainteresiranih strana - SEP, i dr.) i uspostavljanje Sistema upravljanja okolišnim i društvenim pitanjima u okviru Projekta sa prpratnim obrascima, zatim aktivnosti na odabiru konsultanta za uslugu pružanja tehničke podrške u implementaciji projekta i nadzor nad izvođenjem radova, odabir izvođača radova na provođenju mjera energijske efikasnosti na prvih 15 javnih objekata (LOT1), kao i provođenje mjera energijske efikasnosti na tim objektima. U okviru LOT1 mjere energijske efikasnosti provedene su na 3 objekta JU "Studentski centar", 3 vrtića, 1 domu zdravlja, 6 osnovnih škola i 2 srednje škole.

U toku su završne aktivnosti na provođenju postupka nabavke i odabira izvođača radova na realizaciji mjera energijske efikasnosti za drugi set javnih objekata – LOT2, koji obuhvata ukupno 17 javnih objekata, od čega su 2 vrtića, 11 osnovnih škola, 1 dom zdravlja, 2 srednje škole i 1 fakultet. Pomenuta nabavka se kao i sve dosadašnje nabavke provodi prema pravilima i procedurama EBRDa. Ono što je značajno pomenuti jest da se u okviru ovih 17 objekata nalaze i dva objekta koja su valorizovana kao kulturno dobro od strane Kantonalnog zavoda za zaštitu kulturno - historijskog i prirodnog naslijeđa Sarajevo, te da je s tim u vezi Ministarstvo od pomenutog Zavoda pribavilo pozitivnu saglasnost na projektnu dokumentaciju (glavne projekte).

U narednom periodu je planirano provođenje postupka nabavke i odabira izvođača radova na realizaciji mjera energijske efikasnosti za treći set javnih objekata – LOT3, koji obuhvata 8 objekata koji su valorizovani kao kulturno dobro od strane Kantonalnog zavoda za zaštitu kulturno - historijskog i prirodnog naslijeđa Sarajevo, i to: 1 vrtić, 4 srednje škole i 3 fakulteta.

S poštovanjem,

Dostaviti:

- ☉ Naslov
- Stručna služba Vlade Kantona Sarajevo
- Služba za skupštinske poslove + CD
- Evidencija
- a/a

